



Alija Sutović

Prof. dr sc. med.

Bosna i Hercegovina

Rođen 1956. godine u Rožajama (Crna Gora). U rodnom mjestu završio osnovnu školu i gimnaziju. Medicinski fakultet je studirao i završio u Sarajevu (1975-1981.). Od 1985. godine specijalizira neuropsihijatriju, i to jedan dio u Tuzli a drugi dio na KBC Rebro u Zagrebu, gdje je položio specijalistički ispit (1988.). Tokom specijalizacije u Tuzli pohađao i završio dvogodišnji postdiplomski studij na Medicinskom fakultetu u Tuzli. Tokom specijalizacije u Zagrebu pohađao i završio dvogodišnji postdiplomski studij na Medicinskom fakultetu u Zagrebu, iz oblasti Forenzičke psihijatrije, na KP B Vrapče. Kao specijalist neuropsihijatar radi na Klinici za psihijatriju u Tuzli od 1985. Magistrirao je 1996., a doktorsku disertaciju odbranio 2001. godine na Medicinskom fakultetu Univerziteta u Tuzli. 2002. godine izabran u zvanje docenta na Katedri za neuropsihijatriju Medicinskog fakulteta Univerziteta u Tuzli, a 2007. izabran u zvanje vanrednog profesora za predmet Psihijatrija sa medicinskom psihologijom. Na Klinici za psihijatriju UKC Tuzla na dužnosti Šefa Odjeljenja za kliničku psihijatriju. Od 2006. godine je šef Katedre za psihijatriju sa medicinskom psihologijom na Medicinskom fakultetu Univerziteta u Tuzli. Voditelj je nastave i na predmetu Mentalno zdravlje u zajednici na Zdravstvenom studiju. 2015. godine izabran u trajno zvanje redovnog profesora. Predavač na izbornom predmetu Psihologija komunikacije kao i Psihijatrije za redovne i vanredne studente Visoke zdravstvene škole. Predavač na predmetu Tretman ovisnika na Edukacijsko-rehabilitacijskom fakultetu, kao i predmeta Socijalna psihijatrija na Filozofskom fakultetu (Studij socijalnog rada) Univerziteta u Tuzli. Od školske 2007/08 godine predaje Sudsku psihijatriju u okviru predmeta Sudska medicina na Pravnom fakultetu Univerziteta u Tuzli i Sarajevu, a od 2009. uvodi novi izborni predmet na Medicinskom fakultetu (Psihopatologija svakodnevnog života) i participira u realizaciji izbornog predmeta Koža i psiha. Završio je edukaciju iz grupne analize, u organizaciji Instituta za grupnu analizu Zagreb, te stekao zvanje Grupni terapeut. Do sada je objavio oko 70 stručnih i naučnih publikacija u domaćim i stranim časopisima. Sudjelovao na više desetina stručnih i naučnih skupova iz oblasti psihijatrije u regiji, Evropi i svijetu. Bio pozvani predavač na oko trideset stručnih skupova. Bio mentor dva odbranjena magistarska rada i jedne doktorske disertacije. Autor je jedne monografije i više poglavlja u domaćim i međunarodnim knjigama i udžbenicima. Oženjen je i ima troje djece. Govori bosanski i engleski jezik. Spektar stručnog i naučnog interesovanja: klinička psihijatrija, psihofarmakoterapija, grupna analiza, psihologija i psihijatrija traume, forenzička psihijatrija.